

周禮故書考

三禮鄭註考序

長洲程君東治治禮經研心鄭註手摘其要區爲三冊
曰周禮故書考儀禮古文今文考禮記古訓考欲以示
今學者悟所從入而於其中鈎稽推挾自爲證明蓋尤
不務泛濫旁涉其詞故余於是嘆東治氏爲得治經之
體然鄭註所云故書及古文作某者余亦不敢取徵于
他書竊獨念自三代以逮秦漢金石刻所畱遺其文字
爲最古固可撮舉以與鄭註相例今如周禮鄉師與其
輦輦註故書輦作連証以漢魯相韓勅造孔廟禮器碑
器用胡輦胡輦卽論語瑚璉是輦連爲一字也小宗伯

掌建國之神位註故書位作立古者立位同字古文春秋經公卽位爲公卽立証以焦山鼎銘僉立中廷載敦銘載立中廷邠敦銘毛伯內王立中廷周頌敦銘王各太室卽立宰及右頌入門立中廷卯敦銘卯立中廷同器銘同立中廷北鄉師酉敦銘酉立中廷是皆指數之不可窮而趙德父謂古器物銘凡言卽立或言立中廷皆當讀爲位蓋古文假借殆亦未知立位同字也考工記作舟以行水註故書舟作周証以焦山鼎銘王各于舟廟漢孟郁修堯廟碑委曲舟匝洪景伯釋舟爲周是其例也儀禮士冠禮旅占註古文旅作臚証以古器物

銘內稱旅尊旅簋旅匭旅鼎之屬蓋皆爲臚字義取於
陳列爾而薛尚功釋旅爲言不一博古圖又取於士旅
食皆失其旨矣眉壽萬年註古文眉作麋証以鐘鼎款
識眉多用麋字又漢北海相景君碑亦有不永麋壽洪
景伯釋麋作眉是也與始飯之錯註古文始爲姑証以
晉姜鼎銘朕先姑君晉邦姑卽始字周頌敦銘皇考彝
未皇母彝始始卽姑字于文皆可錯見而義自明也士
相見禮妥而後傳言註古文妥爲綏証以晉姜鼎銘妥
懷遠邦楊南仲釋云妥讀爲綏說文無妥字蓋古綏字
省鄉射禮唯君有射於國中註古文有作又証以寅簋

銘師氏人又罪又故齊侯鐸鐘銘又共于所其他器物
諸銘稱十又六年十又三月者又並爲有也聘禮管人
布幕於寢門註今文布作敷証以潘乾校官碑布政優
後今詩文布作敷是碑所引布政爲古文也觀禮太史
是右註古文是爲氏証以漢韓勅修孔廟碑後韓君於
氏憤懣之思惟古之嘆洪景伯釋氏作是是碑亦用氏
爲古文也士喪禮不述命註古文述皆作術証以漢孟
郁修堯廟碑吏士歌術功精萬世靈臺碑累世同居州
里稱術韓勅修孔廟碑後共術韓君德政巴郡太守樊
敏碑臣子褒術義皆作述士虞禮碁而小祥註古文碁

作基証以成陽靈臺碑承祠基年費鳳碑基月而致道
漢人近古凡見于文詞者多依用古文如是其著且明
然則承學之徒不達此旨反望文生義而曲肆其鑿說
經乃益用晦矣程君之爲是書也深欲便受書者由古
文漸而致於古訓以合夫韓子凡爲文宜識奇字之意
其功詎不偉歟余十餘年前亦爲禮學蓋有慕於唐王
恭講三禮別爲義証遂妄欲勒成一書標爲三禮義證
旣已扶翼鄭學而更以易疏家之繁釀然迫於窮年奔
逐訖未果就今得程君導夫先路足與發吾覆矣余故
三復斯編用是以自勗厲且冀良友之誨其成也乾隆

月

五十六年辛亥歲秋九月九日偃師武億撰

三禮鄭註考序

漢鄭康成經各有註自孔穎達撰五經正義後鄭易書
論語註皆不傳傳者毛詩三禮註而已康成云傳書世
異古字時有存者則亦有今誤者故周禮有數本劉向
未校之前或在山巖石室爲古文考校後爲今文古今
文不同鄭據今文作註每云故書作某又杜子春先鄭
鄭司農鄭衆鄭
大夫鄭少璜讀音有各異者儀禮高堂生傳十七篇

爲今文武帝末得亡儀禮五十六篇其字皆篆書爲古
文古文與高堂生所傳者同而字多不同鄭註每云古
文作某今文作某禮記出自羣儒有字同義異字同音

異鄭註咸爲引證蓋三禮互異諸儒各記所聞不可強
合康成或以今文易之仍載古文古音不輕易一字以
爲古經不可改其易註論語註往往散見于三禮註疏
中又足資考據今人于周禮第知旁訓節訓儀禮襲先
儒說謂多誤難讀禮記惟宗陳澧集說鄭註三禮東書
不讀可爲太息瞿曰輯成三冊曰周禮故書考曰儀禮
古文今文考曰禮記古訓考由識字審音以知其義亦
讀經之一助且漢註甚古後人莫曉輟肆譏評多見其
不知量也長洲後學程際盛序

周禮故書考

長洲程際盛東冶輯

世英芝垵

男世萱雪門校

世茂松坡

天官冢宰

胥十有二人註 胥讀如諧

大宰三曰官聯註 古書連作聯又聯讀爲連

八曰匪頒之式註 頒讀爲班布之班

二曰嬪貢註 嬪故書作賓

八曰旂貢註 旂讀如圓游之游

小宰掌建邦之官刑註

杜子春云官皆當爲官

按經文以官刑憲禁於王宮而令于百官府且曰國有大刑則官刑當作官刑明矣

六曰愆弛之聯事註

杜讀弛爲施

聽稱責以傳別註

傳別故書作傳辨又讀爲符別

杜讀爲傳別

六曰廉辨註

杜云廉辨或爲廉端

七事者註

七事故書爲小事

宮伯以時頒其衣裳註又大宗伯乃頒祀于邦國註又

大史頒告朔于邦國註

頒讀爲班

庖人賓客之禽獻註 獻古文爲獸

內饗豕盲眊而交睫腥註 腥當爲星杜云盲眊當爲望眊

甸師祭祀共蕭茅註 蕭字或爲苜苜讀爲縮

腊人共豆脯薦脯臠胖註 豆當爲羞胖讀爲判杜讀胖爲版

賜醫祝藥註 祝當爲注

酒正辨五齊之名註 杜讀齊皆爲粢

共其計酒正奉之註 故書酒正無酒字

凌人掌冰正歲註 故書正爲政掌冰政杜讀掌冰爲

主冰政當爲正正爲夏正

邇人糗餌粉資註 故書資作茨

醢人茆菹註 茆讀爲茅杜讀茆爲卯

鴈醢註 故書鴈或爲鶉

五齊註 齊當爲釐

鹽人祭祀共其苦鹽註又典婦功辨其良苦註 杜讀

苦爲鹽

掌舍設桎桓再重註 故書桓爲柜

棘門註 杜云棘門或爲材門

玉府珠槃註 故書珠爲璆

外府共其財用之幣齋註又掌皮歲終則會其財齋註
又巾車毀折入齋于職幣註 齋或爲資

司會以參互考日成註又脩閭氏互櫟註 故書互爲
巨

司書受其幣註又大司徒使之相受註又掌葛以權度
受之註 故書受爲授

職幣奠其錄註 故書錄爲祿

司裘諸侯則共熊侯豹侯註 故書諸侯則共熊侯虎
侯

廡裘註又司服廡衣服註又大師廡作匱謚註又司

兵獻五兵註 故書獻爲淫

內宰以作二事註 故書二爲三

出其度量淳制註 故書淳爲敦杜讀敦爲純

九嬪贊玉盞註 故書玉爲王

按李陽冰曰王中盞近上王者則天之義王三書

正均如貫玉也

女祝掌以時招梗禴禴之事註 梗讀爲亢杜讀梗爲

更

典婦功女功之事齋註又典臬以待時頒功而授齋註

故書齋爲資

凡授嬪婦功註又司儀再拜受幣註 授當爲受

典絲受良功而藏之註 良當爲苦

內司服揄狄註 狄當爲翟

展衣註 當爲禮

按禮記作禮

緣衣註 緣衣實作祿衣

縫人喪縫棺飾焉註 故書焉爲馬

衣嬰柳之材註 故書嬰柳作接櫨又接讀爲盟櫨

讀爲柳

按六經嬰字皆作盟說文無此字

染人夏纁元註 故書纁作𦃟

屨人青句註 句當爲紉

夏采以乘車建綏復于四郊註 故書綏爲禮

按綏當作綏字之誤也士冠禮及玉藻冠綏之字
故書亦多作綏者今禮家定作綏

地官司徒

遺人註 遺讀如詩曰棄予如遺之遺

廛人註又載師廛里註 故書廛爲壇

泉府註 故書泉或作錢

士訓註 訓讀爲馴

饔人註 故書饔作饔

橐人註 橐讀爲犒師之犒

大司徒辨五地之物生註 杜讀生爲性

其植物宜膏物註 膏當爲麋

以儀辨等註又小宗伯肄儀爲位註又肆師治其禮

儀註又典命五儀註 故書儀或義

按古者書儀但爲義今時所謂義爲誼義古文春
秋經傳皆作誼

正日景以求地中註 故書求爲救

按說文引虞書云旁殺倂功是救當作殺古文求

爲字

九曰蕃樂註 杜讀蕃樂爲藩樂

使之相調註 調當爲糾

小司徒凡征役之施舍註 施當爲弛

乃分地域而辨其守施其職而平其政註 政當作

征故書域爲邦

鄉師共茅菹註 菹讀爲藉杜云菹當爲菹

與其輦輦註 故書輦作連

執斧以涖匠師註又司市市師涖焉註又大宗伯涖

玉鬯註 故書涖作立

巡其前後之屯註 故書巡作述屯或爲臂又讀屯

爲課殿杜讀爲在後曰殿

賙萬民之難阨註 賙讀爲周急之周

鄉大夫四曰和容五曰興舞註 杜讀和容爲和頌故
書舞爲無

按禮器云周坐尸詔侑武方註武當爲無聲之誤
也古無與武同音武又與舞通

族師各掌其族之戒令政事月吉則屬民而讀邦瀆註
故書或無事字杜云當爲正月吉

春秋祭酺註 故書酺或爲步

閭胥凡春秋之祭祀役政註又均人掌均地政註又遂

人以土均平政註又土均掌平土地之政註 杜讀
政爲征

旣比則讀濫註 故書旣爲暨

觸撻罰之事註 故書或言觸撻之罰事

舞師教皇舞註又樂師有皇舞註 皇書或爲翌或爲

義故書皇作翌

牧人陰祀用黝牲註又守祧其祧則守祧黝墜之註

黝讀爲幽

凡外祭毀事用虬註 故書毀爲虬虬作龍

牛人以授職人而芻之註又肆師頒于職人註 職讀

爲機

載師士田註 士讀爲仕

近郊註任稍地註 故書郊或爲蒿稍或作削

漆林之征註 故書漆林爲黍林

道人以恤民之難阨註以待羈旅註 故書難阨作摧

阨羈作寄

均人公旬註 旬讀如瞢瞢原隰之瞢

師氏掌國中失之事註 故書中爲得杜云當爲得

凡國之貴遊子弟學焉註 杜云遊當爲猶

王舉則從註 故書舉爲與

四夷之隸註 故書隸或作肆

媒氏入幣純帛註 純實緇字也古緇以才爲聲

司市展成奠賈註又弓人寒奠體註 奠讀爲定杜云
當爲定

上旌于思次以令市註 思當爲司字

辟布者註 故書辟爲辭

其附于刑者註 故書附爲拊

質人壹其淳制註 淳當爲純又淳讀如淳尸盟之淳
壓人總布註又肆長飲其總布註 杜云總當爲僦又
總讀如祖總之總

凡珍異之有滯者註 故書滯或作厯又滯讀如沉滯之滯

買師凡國之賣債註 故書賣爲買

胥襲其不正者註 故書襲爲習

泉府貨之滯于民用者註 故書滯爲痺

買者各從其抵註 抵實抵字

司門掌授管鍵註 鍵讀爲蹇

正其貨賄註 正讀爲征

掌節以英蕩輔之註 杜云蕩當爲帑

遂人以興勑利厖註又里宰以歲時合耦于勑註 勑

讀爲藉杜讀勸爲助

與其施舍者註又遂師辨其施舍註又遂夫夫與其
可施舍者註土均與其施舍註 施讀爲弛

遂師庀其委積註 故書庀爲比

及蜃車之役註 蜃禮記或作轉或作軫

比叙其事而賞罰註又守祧比其具註又大胥比樂
官註 比讀爲庀

旅師而用之以質劑致民註 而讀爲若

稍人以甸聚待羈旅註 故書羈作奇

凡其余聚註 余當爲餘

草人駢剛用牛墳壤用麋註 故書駢爲挈墳作貧

稻人以溝蕩水註 杜讀蕩爲和

廩人以待國之匪頒註 匪讀爲分

共其接盛註 接讀爲壹扱再祭之扱

春官宗伯

大師眡瞭註 眡讀爲虎眡之眡

秣師註 秣讀如味飲食之味又讀如秣韃之秣杜讀

秣爲喋莖著之喋

按爾雅喋莖藉杜子春作著喋五味也

韉韉氏註 韉讀如屨

按玉篇鞮作起

大宗伯吉禮註 故書吉或爲告

以實柴祀日月星辰註 故書實柴或爲賓柴

五祀註又小祝祀于社註又小子五祀註 故書祀作禩

按說文祀或从禩

彌辜註 故書彌爲罷

以荒禮哀凶札註 札讀爲截

侯執信圭註 信當爲身

攝而載果註又小宗伯以待果將註 果讀爲裸

小宗伯掌建國之神位註 故書位作立古者立位同
字古文春秋經公卽位爲公卽立

按左傳襄公三十一年辨於其大夫之族姓班位
說苑作變立變讀曰辨辨讀曰班徐廣史記註辨
音班

辨立齋之名物註 齋讀爲粢

若大甸註 甸讀曰田

以秬鬯泂註 杜讀泂爲泯

甫竈註 讀竈皆爲穿杜讀竈爲毳

肆儀爲位註 故書肆爲肆

肆師及其祈珥註 故書祈爲幾又祈當爲進祲之祲
杜云珥當爲餌又珥當爲餌

表齎盛註 故書表爲剽

爲位註 故書位爲位

凡師不功註 故書功爲工古者工與功同字

祭表貉註 貉讀爲十百之百

鬱人與量人受舉斁之卒爵註 斁受福之報

鬯人用瓢齎註 故書瓢作剽齎讀爲齊杜讀齎爲粢

廟用修註 修讀曰白

凡四方山川用蜃凡裸事用粢註 故書蜃或爲模

裸當爲埋

共其蠶鬯註又雞人面襖蠶註又天府蠶寶鎮註
蠶讀爲嶽

司奠彝朝踐用兩獻尊註 故書踐作餞獻讀爲犧

諸臣之所昨也註又司几筵昨席註 昨讀爲酢

祿用烝彝註雌彝註 烝讀爲稼雌讀爲蛇虺之虺

或讀爲公用射隼之隼

鬱齊獻酌醴齊縮酌註 獻讀爲儀又讀爲摩莎之

莎故書縮爲數齊爲盞杜云齊讀皆爲案

凡酒脩酌註 脩讀如滌濯之滌

司几筵設莞筵紛純註

紛讀爲幽又讀爲和粉之粉

純讀爲均服之均

加纁席畫純註又典瑞纁藉五采註

纁讀爲藻率

之藻

每敦一几註

敦讀爲壽

凶事仍几註

故書仍爲乃

天府凡國之玉鎮註又典瑞執鎮圭註

故書鎮作璜

典瑞王晉大圭註

晉讀爲搢紳之搢

四圭有邸註

邸讀爲抵欺之抵

珍圭註

杜云珍當爲鎮

駟主註又玉人駟琮五寸註 駟讀爲組又讀爲駟

疾之駟

疏壁琮以斂尸註 疏讀爲沙

司服希冕註 希讀爲絺或作黼

凡弔事弁經服註 故書弁作紼

守祧廟祧註 故書祧作濯

內宗薦加豆籩註 故書爲籩豆

大司樂播之以八音註 故書播爲藩杜云播讀如后

稷播百穀之播

九磬之舞註 九磬讀當爲大韶

樂師趨以采薺註 故書趨作路

詔來瞽率舞註 瞽當爲鼓率當爲告

燕射帥射夫以弓矢舞註 故書燕爲舞帥爲率射
夫爲射矢

遂倡之註 故書倡爲昌

大胥舍采合舞註 采讀爲菜

大師令奏擊拊註 故書拊爲付

令奏鼓輦註 輦讀爲道引之引

瞽矇世奠繫註又小史奠繫世註 故書奠或爲帝杜
云帝讀爲定其字爲奠

砥礪擊頌磬註 頌或作庸

馨愷獻註 杜讀馨爲憂戚之戚

典同六同註 故書同作銅

高聲硯註 故書硯或作硯讀硯爲哀冕之哀杜讀
硯爲鏗鎗之鏗

陂聲散註 陂讀爲人短罷之罷又讀爲險陂之陂
陂聲鵠註 鵠讀爲鶉鵠之鵠又讀爲飛鋏涅鵠之
鵠杜讀鵠爲闇不明之闇

佻聲笮註 笮讀爲行扈喈喈之喈

薄聲甄註 甄讀爲甄濯之甄

磬師擊編鐘註

杜讀編爲編書之編

教綬樂註

綬讀爲綬錦之綬杜讀綬爲怠慢之慢

鐘師納夏祴夏下

故書納作內杜云祴讀爲陔鼓之

陔

掌鼗鼓註

鼓讀如莊王鼓之鼓

笙師箏管註

杜讀箏爲蕩滌之滌

籥章國祭蜡註

故書蜡爲蠶

典庸器設筍虞註

杜云筍讀爲博選之選

太卜二曰觭夢三曰咸陟註

騎讀如諸戎倚之倚杜

讀觭爲奇偉之奇陟讀如王德翟人之德

其經運十註 運或爲緝當爲輝

龜人果屬註 杜讀果爲羸

蕤氏掌共燠契註 杜云燠讀爲細目燠之燠或曰如

薪樵之樵

遂歛其煖契註 煖讀如戈鐔之鐔杜讀爲英俊之

俊按儀禮士喪禮註引此遂作燧歛作灼遂役之作

遂以役之

箬人巫更註 此九巫讀皆當作箬

占夢噩夢註 杜云噩當爲驚愕之愕

乃舍萌于四方註又甸祝舍奠于祖廟註又大史飾

中舍算註 舍讀爲釋古書釋菜釋奠多作舍字杜
讀萌爲明

遂令始難註 故書難或爲雋杜讀難爲難問之難
眡被三日鐫註 鐫讀如童子佩鐫之鐫

七日彌九曰儕註 故書彌作迷儕作資

太祝二曰造註 故書造作竈杜讀竈爲造次之造

按古造竈通膳夫職以樂徹于造造作食物之處

一曰祠三曰誥註 祠當爲辭杜曰誥當爲告

二曰衍祭三曰炮祭五曰振祭六曰擗祭註 衍字

當爲延炮字當爲包讀振爲振旅之振杜云振讀爲

慎孺讀爲虞芮之芮

四曰振動註七曰奇操八曰褒撫註 杜云振讀爲

振鐸之振動讀爲哀勵之勵又動讀爲董或云奇讀
爲倚杜云奇讀爲奇耦之奇裏讀爲報

以享右祭祀註又右亦如之註 右讀爲侑

祭示註 故書祗爲祔

令準舞註 準讀爲卒嗥呼之嗥

言何人讀禱付註 付當爲祔

小祝彌裁兵註 彌讀曰牧

按牧玉篇作休

大喪贊泚註 故書泚為攝

置銘註 銘今書或作名

設道齋之奠註 杜云齋當為粢

喪祝掌大喪勸防之事註 杜云防當為披

甸祝表貉之祝號註 杜讀貉為百爾所思之百書亦

為禡

禡牲禡馬註 禡讀如伏誅之誅

司巫及菑館註 杜云菑讀為鉏書或為菑館或為租

飽

男巫望衍註 衍讀為延

冬堂贈註 故書贈爲贈

春招弭註 弭讀爲牧杜讀弭如彌兵之彌

王弼則與祝前註 故書前爲先

大史協事註 故書協作叶或爲汁

小史叙昭穆之俎簋註 故書簋或爲几几讀爲軌書

亦或爲簋古文也

保章氏以志星辰日月之變動註 志古文識

巾車錫樊纓註 樊讀如鞞帶之鞞

金路鉤註 故書鉤爲拘

條纓註 條讀爲條

前樊鵠纓註

前讀爲緇翦之翦杜云鵠或爲結

朱總鷺總註

故書朱總爲緇鷺或作翳鷺讀爲鳧

鷺之鷺

組輓有翳註

故書翳爲駢杜云當爲翳書亦或爲

駢

尾葉疏飾小服皆疏註

故書疏爲捐杜讀捐爲沙

服爲節

素車焚蔽註

焚讀爲蘋

藻車註

故書藻作輶杜讀輶爲華藻之藻

號車註又大人用號註

故書號作龍

髹飾註 髹爲軟軟讀爲柰坑之柰

孤乘夏篆註 故書夏篆爲夏緣篆讀爲圭瑑之瑑

按說文作夏軻軻與緣音相近

歲時更續註 故書更續爲受讀

鳴鈴註 故書鈴或作鈴

車僕萃車之萃註 故書萃作平杜云萃車當爲駟車

其字當爲萃

大射共三乏註 乏讀爲匱乏之乏

司常皆畫其象焉註 杜云畫當爲書

家宗人以禴國之凶荒註又庶氏以攻說禴之註 禴

讀如潰癰之潰

夏官司馬

司勲註 故書勲作勛

司燿註 故書燿爲爇又讀如予若觀火之觀

挈壺氏註 挈讀如絜髮之絜

橐人註 橐讀爲芻橐之橐

大司馬暴內陵外則壇之註 壇讀如同墀之墀又讀

從憚之以威之憚

九幾註 故書幾爲近

辨鼓鐸鐃鐃之用註師帥執提註 鐃讀如濁其源

之濁鏡讀如謹曉之曉提讀如攝提之提

有司表貉註 貉讀爲禡

中夏敎茭舍註 茭讀如萊沛之沛

羣吏撰車徒註 撰讀曰算

各書其事註 書當爲畫

致禽以祀祊註 祊當爲方

擁鐸註 擁讀如弄又謂如涿鹿之鹿

比軍衆註 比或作庀

馬質剛惡馬註 綱讀爲以亢其雛之亢書亦或爲亢

量人受罕歷而皆飲之註 罕讀如椹尸之椹又讀如

嫁娶之嫁

小子羞羊肆註 肆讀爲髣

掌珥于社稷祈于五祀註又士師凡釂珥註又司約則珥註 珥讀爲卬祈或爲釂

羊人繫積註 積故書爲毗毗讀爲漬

掌固夜三鑿以號戒註 杜讀鑿爲造次之造

射人射豸侯註 大射禮豸作干讀如宜豸宜獄之豸

作大夫介註 作讀如作止爵之作

服不氏賓客之事則抗皮註 抗讀爲亢其讎之亢

以旌居乏而待獲註 杜云待當爲持乏讀爲賁乏

之乏

射鳥氏則以并夾取之註 夾讀爲甲

羅氏蜡則作羅襦註 襦讀爲繻有衣袷之繻

司士掌羣臣之版註 故書版爲班

諸子掌國子之倅註 故書倅爲卒又卒讀如物有副倅之倅

大僕戒鼓傳達于四方註 故書戒爲駭

窆亦如之註 窆讀如慶封祀祭之祀

隸僕掌五寢之埽除糞洒之事註 洒當爲灑

弁師諸侯之纁旂九就註 侯當爲公纁當爲藻纁古

字也藻今字也

璿玉三采註 故書璿作璿

會五采玉璿註 故書會作脩讀如馬會之會又讀如大會之會璿讀如綦車轂之綦又讀如薄借綦之綦

司弓矢樞質者註 故書樞爲輶

痺矢註 痺矢讀爲人罷短之罷又讀如痺病之痺
稟人試其弓弩註 故書試爲考

戎右桃剡註 故書剡爲滅杜云滅當爲厲

大馭及犯輟註 故書輟作罰杜云輟讀爲別異之別

右祭兩軹祭軌乃飲註 故書軹爲軒軌爲範杜云
軌當爲軹

校人八麗八師八趣馬註 八皆宜爲六

庾人以阜馬佚特註 杜云佚當爲逸

散馬耳註 散讀爲中散大夫之散

圉師夏房馬註 故字序爲訝

射則克樞質註 杜讀樞爲齊人言鈇樞之樞

職方氏竹箭註 故書箭爲晉

按古箭讀爲晉吳越春秋晉竹十雙卽箭竹也

其浸潁湛註 杜云湛讀爲人名湛之湛湛或爲淮

其浸波澁註 波讀爲播

其川淮泗其浸沂沭註 淮或爲睢沭或爲洙

其浸慮維註 慮維當爲雷雍

按廬石經作廬

其澤藪曰弦蒲註 弦或爲汧蒲或爲浦

按汧水決爲弦蒲藪一名汧浦

其澤藪曰獫狝註 杜讀獫爲奚

訓方氏誦四方之傳道註 故書傳爲傳

形方氏無有華離之地註 杜云離當爲離又華讀爲

佩哨之佩

秒官司冠

蜡氏註

蜡讀如狙司之狙

萍氏註

萍讀爲蚌或爲萍號起雨之萍又讀如小子

言平之平

司烜氏註

烜讀如衛侯燬之燬故書燬爲垣

條狼氏註

杜云條當爲滌器之滌

冥氏註

冥讀爲冥氏春秋之冥

庶氏註

庶讀如藥賁之賁

翬氏註

翬讀爲翹翼之翹

柞氏註

柞讀爲音聲喈喈之喈屋竿之竿

雉氏註 書雉或作夷又讀如髧小兒頭之髧

碧族氏註 碧讀爲摘族讀爲爵族之族

蝸氏註 蝸讀爲蜮

按說文蜮正字也蝸或字也

壺涿氏註 故書涿爲獨獨讀爲濁其源之濁書亦或爲濁

掌訝註又輪人牙也者註 訝讀爲跛者訝跛者之訝

大司寇上願糾暴註 恭當爲恭

以邦成弊之註 故書弊爲愍

使其屬蹕註 故書蹕作避杜云避當爲辟

小司寇附于刑註又附刑罰註 故書附作付

以八辟麗邦灋註 杜讀麗爲羅

士師以比追胥之事註 胥讀如宿偕之胥

一曰邦灼註 灼讀如酌酒尊中之酌

按周頌酌左傳作灼是灼與酌古今字

七曰爲邦朋註 故書朋作備又備讀爲朋友之朋

按漢書王尊傳羣盜備宗蘇林曰備音朋晉灼音

倍師古曰晉音是也

則以荒辯之灋治之註 辯讀爲風別之別又辯當

爲貶

正之以傳別約劑註 故書別爲辯傳或爲符辯讀
爲風別之別

朝士有判書以治註 故書判爲辨讀爲別

盧刑貶註 故書慮爲憲貶爲寔杜云寔當爲禁

犬人凡幾珥沈辜註 幾讀爲瘕又幾讀爲創珥當爲

珥

掌戮搏之註 搏當爲膊諸城上之膊

髡者使守積註 髡當作完

閭隸掌子則取隸焉註 杜云子當爲祀

蜡氏掌除鼬註 故書鼬作脊又脊讀爲殞

除不蠲註 蠲讀如吉圭惟饌之圭

司烜氏共煩燭庭燎註 故書煩爲蕢

若屋誅註 屋讀如其刑劓之劓

修閭氏比其追胥者註 胥讀爲脣

薙氏春始生而萌之註 故書萌作薨

翦氏掌除蠹物註 故書蠹爲𧈧

赤友氏以蜃炭攻之註 故書蜃爲晨

壺涿氏炮土註 故書炮作泡杜讀炮爲苞有苦葉之

苞

牡樺午貫象齒註 故書樺爲梓午爲五杜云樺讀

爲枯書或爲樗

伊耆氏共其杖咸註 咸讀爲函

大行人再裸壹裸註 故書裸作果又裸讀爲灌

貢嬪物註 故書嬪作頻

屬象胥論言語註 胥讀爲諧

協辭命註 故書協辭命作叶詞命又叶當爲汁

小行人則令賻補之註則令槁禴之註 故書賻作傳

槁爲橐又橐當爲槁

司儀弔拜送幣註又賓使者如初之儀註 賓當作儔

行夫使則介之註 故書曰夷使

掌客牲三十有六牲十有八註又受牲禮註 牲當

腥

米百有二十管註車三秬註 管讀為棟栢之栢秬

讀為秬秬麻答之秬

掌交辟行之註 辟讀如辟忌之辟

冬官考工記

或通四方之珍異以資之註 故書資作齊讀如

資絺之資

燕無函秦無盧註 函讀如國君舍垢之舍盧

作舟以行水註 故書舟作周

按詩大東舟人之子鄭曰舟當作周朱育集字舟
爲古文周字

貉踰汶則死註 貉或爲援

姤胡之筭註 故書筭爲筭又筭讀爲桑杜云姤讀
爲焚咸邱之焚書或爲邠

石有時以泐註 泐讀如再扞而後卦之扞

攻木之工七刮摩之工五註 故書七爲十刮作梳

鮑鮑韋裘註 鮑讀爲鮑魚之鮑書或爲鮑鮑讀

爲歷運之運

畫續鍾筐幌註

幌讀爲芒芒禹迹之芒

玉櫛雕矢磬註 櫛讀如巾櫛之櫛故書雕或爲舟
搏墉之工陶旒註 墉書或爲植旒讀爲甫始之甫
又讀如放於此乎之放

旣建而迪註又弓人菑栗不迪註 迪讀爲倚移從
風之移

樸屬註 樸讀如子南僕之僕

臧速註 速疾也書或作數

加軫與鞮焉註 鞮讀爲旃僕之僕

輪人欲其微至也註取諸圓也註 微至書或作危至
故書圓或作員

欲其掣爾而纖也註 掣讀爲紛容掣參之掣又如

桑螺蛸之蛸

欲其眼也註 眼讀如限切之限

按眼說文作輒

砥其綆註 綆讀爲關東言餅之餅

欲其蚤之正也註 又輪人蚤圍註 蚤當爲爪

察其菑註 菑讀如雜廁之廁

矩其陰陽註 故書矩爲距

稹理註 稹讀爲奠祭之奠

穀難敝不歆註 歆當作耗

則柞註 柞讀爲迫啗之啗

則摯註 摯讀爲槩

捐其藪註又匠人捐溝註 捐讀爲桑嫫蛸之蛸

捐其藪註 藪讀爲蜂藪之藪

故竑其輻註 竑讀如絃綆之絃

亦弗之濂也註 濂讀爲黏

則無槩而固註 槩讀如渥

萬之以眡其匡也註 故書萬作禹書或作矩

輪人程圍倍之註 程讀如丹桓宮楹之楹

庇軹註 故書庇作秘

與人去一以爲隧註 隧讀如鑽燧改火之燧又讀如
遂字之遂

爲之較崇註 故書較作權

鞬圍註 書鞬或作軫又鞬讀如繫綴之綴

飾車欲侈註又鳥氏侈弁之所由興註 故書侈作
移

輶人輶前十尺註 十或作七輶書或作輶

弧深註 杜云弧讀爲淨而不汙之汙

登阼不伏註 故書伏作偃

必繪其牛後註 故書繪作𩇛

翰欲頌典註 頌讀爲懇 典讀爲殄

準則久註又東氏準之註 故書準作水

按古準字皆作水

左不榘註 杜云榘讀爲蹇書榘或作券券今倦字也

馬不契需註 契讀爲爰 契我龜之契需讀爲畏需之需

環澣註 澣爲澣酒之澣

冶氏鋌十之重三坑註 鋌讀如麥秀鋌之鋌坑讀爲

九

重三釂註 釂讀爲刷

鳧氏兩樂註 故書樂作樂

侈則柞註 柞讀爲咋咋然之咋

圜之註 故書圜或作圉

舉氏註 舉古文或作歷

然後量之註 量讀如量人之量

其髀一寸註 故書髀作脣

凡鑄金之狀註 故書狀作壯

函人七屬六屬五屬註 屬讀如灌注之注

欲其窓也註 窓讀爲宛彼北林之宛

鮑人註 鮑故書或作鞞

卷而搏之欲其無迤也註 卷讀爲可卷而懷之之

卷搏讀爲縛一如瑱之縛迤讀爲旣建而迤之迤
察其線註 故書線或作綜又讀爲緬

而脰脂之則需註 故書需作劓劓讀爲柔需之需
脰讀如沾渥之渥

以博爲幔也註 幔讀爲翦又讀爲羊豬莢之莢
不甌註 甌故書或作鄰讀爲磨而不磷之磷

韞人註 韞書或爲鞫

穹者三之一註 穹讀爲志無空邪之空又讀如穹

蒼之穹

按弟子職云志無虛邪虛一作空故讀從之又韓詩白駒云在彼穹谷今詩作空

上三正註 三讀當爲參

畫續之事山以章註 章讀爲獐

鍾氏染羽以朱湛註 湛讀如漸車帷裳之漸

五入爲緌註 緌今禮俗文作爵

慌氏涑絲以浼水註 故書浼作涓

渥淳註 渥讀如郇人渥管之渥

淫之以蜃註 杜云淫堂爲涅書亦或爲湛

王人命圭七寸謂之躬圭註 故書或云命圭五寸謂之躬圭

上公用龍侯用瓚註 龍當爲尤瓚讀爲餐展之展
天子圭中必註 必讀如鹿車繹之繹

裸圭尺有二寸註 裸之言灌也或作裸或作果
黃金勺註 勺故書或作約

衡四寸註 衡古文橫

以致稍餼註 餼或作氣

矢人弗矢註 弗當爲殺

殺矢註 殺當爲弗

以其筭註 筭讀爲槩

亦弗之能憚矣註 故書憚或作怛讀爲憚之以威之憚

欲生而搏註 搏讀如搏黍之搏

陶人鬲實五穀註 庾實二穀註 穀讀爲斛庾讀如請益與之庾之庾

旄人髻懇薜暴註 髻讀爲刮又讀爲剔薜讀爲藥黃藥之藥暴讀爲剝

器中膊註 膊讀如車輶之輶

梓人爲筍虛註 筍讀爲竹筍之筍

耀後註其聲大而宏註 耀讀爲哨宏讀爲絃經之絃

顧脰註 故書顧或作𦣻𦣻讀爲鬻頭無髮之鬻撥爾而怒註匪色註 故書撥作廢匪作飛

廢措註 故書措爲厝

梓人觚三升註 觚當爲斛

一豆註又食一豆肉飲一豆酒註 豆當爲斗

兩個註 个讀若齊人協幹之幹

緝寸註 緝讀爲竹中皮之緝

春以功註 春讀爲蠢

慮人句兵欲無彈刺兵欲無峭註 故書彈或作但峭

或作絹但讀爲彈丸之彈絹讀爲愉邑之愉

句兵裨讀 裨讀爲鼓輦之輦

細則校註又弓人故校註 技讀爲絞而婉之絞

晉圖註 晉讀如王增大圭之增

匠人置槩以縣註 故書槩或作弋讀爲杙又槩古文

臬

環淦七軌註 故書環或作輶

水屬不理孫註 屬讀爲注

凡行奠水註 奠讀爲停

善防者水淫之註 淫讀爲廡又讀爲淫液之淫

里爲式註 里讀爲已

大汲其版註 故書汲作沒

車人庇長尺有一寸註 庇讀爲其賴有疵之疵又讀爲棘刺之刺

其博三寸註 故書博或作搏

行山者仄輟註 故書仄爲側

牝服註 服讀爲負

弓人櫜次之註 櫜讀爲億萬之億

菑栗不弛註 菑讀爲不菑而畬之菑栗讀爲榛栗

之罅又讀爲裂繻之裂

紵而昔註 紵讀爲拵縛之拵昔讀爲交錯之錯又讀履錯然之錯

休於氣註 休讀爲煦

恒當弓之畏註 故書畏或作威讀如秦師八閼之閼

凡昵之類註 故書昵或作機杜云機讀爲不義不昵之昵或爲𦵏又謂機脂膏膴敗之膴

欲小簡而長註 簡讀爲𦵏然登陴之𦵏又讀如簡札之簡

漆欲測註

測讀爲惻隱之惻又讀如測度之測

春液角註

液讀爲醴

春液角則合註

合讀爲洽

斲目必茶註

茶讀爲舒

摩其筋註

故書筋或作薊

筋之所由幬註

幬讀爲車幬之幬

厚其帑註

帑讀爲襦有衣絮之絮

恒角而短註

恒讀爲袞絰之絰又讀爲拒

菱解中有變焉故按註

菱讀爲激發之激又讀如

齊人名手足擊爲骹之骹

故剽註

剽讀爲湖漂絮之漂

無燂註

故書燂或作朕

薄其敝註

敝讀爲蔽塞之蔽

弓而羽綱註

羽讀爲扈

維角定之註

定讀如筭距之筭之筭

角不勝幹註

故書勝或作稱

有三均註

有三讀爲又參

寬緩以茶註

茶古文舒又讀爲舒

速中註

故書速成作數

利射侯與弋註

故書與作其

終